

COVID-19 Maskikí cístahiwéwin

Kékwán anima maskikí cístahinéwin?

Éyako ká cístahokawiyani maskikí é asowaté. Kita cístahokawiyani piko ta isi minikawiyani.

Tánisi máka étápatak anima ká cístahokawiyani?

Kí cístahokawiyani ispík ékwáni móna náspic kika wéci ákosin. Nanátok itowa takonwa anihí maskikí cístahowéwina óma isi nanátok ká isi ákosinániwaki éko ká ayáci nanátok itáspínéwina.

Anihí maskikí cístahowéwina minwásinwa na?

Éhé. Maskikíwininiwaki éko kiskénitamowiniwaki sóki atoskátamwak ta kécináhocik ohi é minwásiki kawisk ta atoskémakaki maskikí cístahowéwina. Anihí piko ká kécináhonániwaki é minwásiki kita atoskémakaki cístahowéwina óta ta pakitinikátéwa ta ápataki Canada. Máti ké minwásiki kita ápataki anihí cístahiwéwina wá wípac kinawápacikátéwa máti kéki ápataki óta.

Takon ná maskikí cístahowéwin anima oci ákosiwí COVID-19?

Éhé, ásay átit oski maskikí cístahowéwina takonwa anima oci ákosiwí COVID-19.

Minwásinwa ná ta ápataki anihí maskikí cístahowéwina anima oci COVID-19? Kí papási ositániwana anihí.

Éhé. Maskikíwininiwaki éko kiskénitamowiniwaki sóki kí atoskátamwak ta kécináhocik ohi é minwásiki kawisk ta atoskémakaki maskikí cístahowéwina anima oci COVID-19. Anihí piko ká kécináhonániwaki é minwásiki kita atoskémakaki cístahowéwina óta ta pakitinikátéwa ta ápataki Canada. Máti ké minwásiki kita ápataki anihí cístahiwéwina wá wípac kinawápacikátéwa máti kéki ápataki óta.

Nikakí káctinén ná anima ákosiwí COVID-19 kisáspin otinamáni anima cístahowéwin?

Mwác, móna ita kikakí oci ásovihikon anima COVID-19 anihí cístahowéwina. Anima maskikí cístahowéwin éyako ápatan ta miskat éko ta nisítawinak anihí ki míyaw ká nócitámakak anima ákosiwí COVID-19.

Nántaw ná pakán nikakí isi pisci mániskákon anima COVID-19 maskikí cístahowéwin?

Ispík kíkisi cístahokawiyani apók étoké apísí nántaw kika itamacihosin acinaw. Kispiton acinaw kika wísakénitén ita kákí cístahokawiyani. Apók étoké náspic ki cákamacihon wéka ki kisíowipanin. Ékwéniw anima é nókopanik ki míyawik é atoskémakak kawisk kákí minikawiyani maskikiy. Anihí ké itiskáoyan kanakwé étoké nómakés kíkíwáw kita nókonwa émwés póni nókokwáki.

Apók étoké átit kita maciskákowak anihí cístahowéwina. Apók étoké nawac awasimé táti ákosiwiskákowak. Ékwani óhi nántaw ká isi aciskikémakaki maskikí cístahowéwina wá wíkatáw ékosi ká isi nókok kita ispanihikot awiyak.

Tánisi máka anihí pisiskápataméka kisáspin awasimé niso kíkíwáw kiyápic nókokwáki?

Apók étoké ásay kíkí káctinék anima ákosiwí asóskamátowin émwés kí cístahokawiyani. Kisáspin má móskipaninwa awasimé niso kíkíwáw ásay, apók étoké kitati ákosin. Piko nántaw ta péyako ayáyan (éká kotak awiyak cíci kita nátat) éko sémák kita natawí wápacikawiyani maskikiwikamikok.

Awina máka níkan ké mínit anima maskikí cístahowéwin?

Maskikíwininiwaki, maskikiwiskwéwa éko ká atoskawáci anihí ká akosiniwí óta Manitoba.

Éko anikik kotakak ká iténimicik kita pisci kici akosipanicik. Ékota anikik kayitáyátsak éko anikik anisinápéwak.

Tánispík máka nína kéki minikawiyán anima maskikí cístahowéwin?

Nómakés kita nócitámakan inikok kita ositániwaki anihí maskikiya inikok kita tépipaniki kakinaw awiyak kita cístahot. Nanátok anikik ininiwaki kita ati isi má mináwak anima maskiki ké ati ispaniki. Kici okimáwiwin wanasowéwin éko anikik ká kiskénitakik óma ákosiwí mékwác mámawatoskátamwak tánisi óma ké yá ati itasowániwaki anihí oci cístahowéwina. Awasimé kiskénitamowina kita pakitinikátéw ispík ki kiskénikátéki tánispík kéki otitikocik átit anikik ininiwaki anihí maskikiya.

Piko ná kiyápic kita kikiskaman anima ákwacápahon éko éká cíci kita nátakik kotak ininiwaki kisáspin ásay níki cístahokawin?

Éhé. Kikiskamani anima ákwacápahon éko éká wésá cíci kotak awiyak wíciwáwawistawacyi éko kécinác kika mino ayánáwáw éká ta pisci ásovihitowék.

Piko ná kékwán kita tipahikéyan kita minikawiyani anima cístahowéwin?

Anima cístahowéwin móna tátékác kékwán ta tipahikécik ininiwaki óta Manitoba.

Piko ná ta otinamán anima cístahowéwin?

Kína piko kita iténitaman máti ké natawénitaman ta cístahokawiyani anima oci ákosiwí COVID-19. Móna tátékác kita cístahokawiyani éká ékosi isi natawénitamani. Miscét ininiwaki pá pakán itamwak e itatoskémakak anima cístahowéwin. Apók étoké átit anihí ká itakik kiskénitamowina mwác tápwékémanwa. Kikakí kakitótáw ana ká atoskátak mino ayáwin kisáspin kinóté kiskénitén awasimé kékwána anima oci cístahowéwin. Kawisk kika wítamákok ési ayáci ékotowa kiskénitamowina.